

# MAMAN

la VÔS dai FURLANS



Progjet promovût di 'La Vôs dai Furlans' e 'ARLeF'

Lu saveviso che...?



Il dindi al è un uciel di cort cu lis plumis neratis e il cjâf e il cuel colôr ros. Ma lu saveviso parcè che si clame cussì par furlan? Dut par vie che, cuant che i europeans a àn discuvierit la Americhe dal Nord e lu àn viodût, lu àn confondût cuntun altri uciel che a cognossevin za, la faraone, che e jere clamade ancje uciel... di Indie! Di chês volte, in tantis lenghis, come ancje il francês, si à tacât a clamâlu cussì.

SACHE BURACHE



La cjançon de setemane

"Mê agne Menie e veve un dindi, par fâlu rindi metè a clucî! ..."

Cjantìn insiemi "Mê agne Menie" su




## Cumò fâs tu!

Imbine la ombrene juste par ogni animâl.



## Piture il dissen



Ridi a plene panze!

Parcè il libri di matematiche isal simpri avilît? Parcè che al è plen di problemis!

Pagine curade dal Sportel Regionâl pe Lenghe Furlane de

**ARLeF** AGENZIE REGIONÂL PE LENGHE FURLANE

Vuelistu tornâ a viodi lis pontadis di Maman!? **Cirilis su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** Lis stelis ti dan un biel sburt tai afârs di bêçs, tu âs di approfîtâ ancje parcè che l'aiar al zire.



**Gjambar.** La invidie e je une brute bestie, soredut se tu le puartis viers cui che ti vûl ben.



**Belance.** No tu rivis a durmî par un probleme che al sta par rivâ, ma no pierdi il sium ti judarà a frontâlu miôr.



**Bec di mont.** Finis di pensâ che tu rivis a otignî dut, al è miôr contentâsi di dulà che tu rivis, che al è za tant.



**Taur.** Chestis zornadis ti platin plui di une sorprese, soredut tai rapuarts cu lis personis.



**Leon.** Cualchi zornade tu sês svearin, cualchi altre indurmidît, cjate une vie di mieç.



**Sgarpion.** Timp indaûr tu âs semenât une vore ben e cumò e je ore di cjapâ sù i risultâts.



**Agarûl.** Tu âs di sclârîti miôr cuntun ami, che nol à capît ben parcè che tu ti compuartis cussì.



**Zimui.** Cualchidun al cîr di fâti inçopedâ, tu âs di moviti prime che si inacuarzedi di jessi scuvierit.



**Vergjine.** Tu âs pôre che i bêçs no ti bastedin, ma se tu stâs daûr dal to program no tu âs di vè pôre di nuie.



**Sagjitari.** Sul lavôr tu sês une fuarce e duç ti amirin, ma la tò famee e merete ancje il to timp.



**Pes.** Tu âs salt tal cjâf un pinsîr che ti fâs rabiâ, ma cussì il probleme no tu lu disberdeis.

